

ამბროლაურის მუკაშა



ამბროლაურის
მუნიციპალიტეტი

№10 (9893) ♦ ოქტომბერი, 2022 წელი ♦ ფასი 50 თეთრი ♦ გაზეთი გამოდის 1933 წლის 3 მაისიდან

ღვინის დღეები ღვინის სეზონობაში

ამ სლოგანით, პრემიერ-მინისტრის ინიციატივით, ქვეყნის 25 ქალაქში გამართული ღვინის დღეებით მართლაც კარგ ტრადიციას ჩაეყარა საფუძველი. წლის საუკეთესო დროს – შემოდგომაზე გამართულ ამ ღონისძიებას მაინც სხვა დატვირთვა აქვს, რადგან ემთხვევა რთველს, რომელიც ოდითგან ქართველი კაცისთვის, ვიტყვით, ისტორიული და ეროვნული რიტუალია. თავისთავად რაჭველებისთვისაც, რადგან ღვინომ „ხვანჭკარა“ მსოფლიოს გააცნო ადგილწარმოშობის მხარე – ამბროლაურის მუნიციპალიტეტი, სადაც ბოლო წლებში მევენახეობა-მეღვინეობის დარგი აღმავლობის გზაზეა. იზრდება ალექსანდრეულის და მუჯურეთულის ვაზის ჯიშებით გაშენებული ვენახების ჰექტრები, შენდება ახალი ღვინის ქარხნები. რაც მთავარია, მამა-პაპისეულ ფუძეს უბრუნდებიან ოჯახები, რითაც ბევრმა სახლმა შემოიხსნა მიტოვებულის მარწუხი. ე.ი. ფასი დაედო მინას, ხალხს ყურძენმა და ღვინომ გაუჩინა სერიოზული შემოსავალი.

წლებიდან წლები რთველიც იძლევა საზეიმო განწყობილებას და ამიტომაც ვერ შეუშალა ხელი გადაუღებელმა წვიმამ 10 ოქტომბერს ამბროლაურში გამართულ ფესტივალს. კულტურის სახლის უკან მდებარე სკვერში განთავსებულ საფესტივალო ტერიტორიაზე მობრძანებულ როგორც ადგილობრივ მოსახლეობას, ისე სტუმრებს შეეძლოთ დაეგემოვნებინათ 14 მეღვინის მიერ წარმოდგენილი ღვინოები, გაცნობოდნენ ქართულ სამზარეულოს, ღვინის ქარხნებს, მინიატურული ქვევრისა და ღვინის ბოთლების მოხატვის, ხეზე ამოწვის მასტერკლასებს. მონაწილეობა მიეღოთ ჭაჭის გამოხდაში, ჩუჩხელების ამოვლებაში და სხვადასხვა სახალხო აქტივობაში.

ფესტივალის უშუალო მონაწილენი იყვნენ და საერთო საზეიმო განწყობის გამზიარებლები მხარეში სახელმწიფო რწმუნებული პაპუნა მარგველიძე, მისი პირველი მოადგილე ქრისტინე კობახიძე, მუნიციპალიტეტის საკრებულოს თავმჯდომარე ასლან საგანელიძე, მერი ზვიად მხეიძე, მათი მოადგილეები.

„ღვინის დღეები, ღვინის სამშობლოში“ ამ სლოგანით გამართული ღვინის დღე და დასამახსოვრებელი დღე ჯგუფი „ნონსტოპის“ კონცერტით დასრულდა და ამბროლაურმა ესტაფეტა ცაგერს გადაულოცა.



სოფელ ხონჭიორში წყალმომარაგების სისტემა ეწყობა, რომელიც არსებულ მრავალწლიან პრობლემას აღმოფხვრის და მოსახლეობისთვის სასმელი წყლის მიწოდებას მნიშვნელოვნად გააუმჯობესებს.

ამბროლაურის მუნიციპალიტეტის მერი ზვიად მხეიძე, მიმდინარე სამუშაოებს, ინფრასტრუქტურული ზედამხედველობის სამსახურის წარმომადგენლებთან ერთად ადგილზე გაეცნო. პროექტის ღირებულება 547 346 ლარს შეადგენს და მისი დასრულება წლის ბოლოსთვის იგეგმება.



მერიის სტრუქტურული ერთეულების წარმომადგენლებთან მორიგ სამუშაო შეხვედრაზე ამ ეტაპისთვის სხვადასხვა აქტუალურ საკითხებზე იმსჯელეს. ყურადღება გამახვილდა ზამთრის სეზონისთვის მოსამზადებელ სამუშაოებზე, ინფრასტრუქტურული პროექტებზე, სოციალურ პროგრამებსა და ამ მიმართულებით დაგეგმილ სიახლეებზე, მუნიციპალიტეტში სისუფთავის თვალსაზრისით არსებულ მდგომარეობაზე, სოფლის მხარდაჭერის პროგრამის ფარგლებში მიმდინარე სამუშაოებზე, საგანმანათლებლო პროგრამებსა და სხვა მნიშვნელოვან თემებზე.

სამსახურების უფროსებმა საკურატორო სფეროების მიხედვით კონკრეტული დავალებები მიიღეს.

ახონსი

- სინარუნს საზღვარი არ ექნება თუ...
- მხვანა ფიციხაი
- წიხნის თვე რაჭაში

რევიუ 2022



გამართლდა პროგნოზი. ამბროლაურელი მევენახეებისათვის ბარაქიანი აღმოჩნდა წლებიდან რთველიც. მას წინ უძღოდა, როგორც საკოორდინაციო საბჭოს ისე სამხარეო და ადგილობრივი ხელისუფლების მიერ განხორციელებული სამუშაოები, რამაც უზრუნველყო, წვიმიანი დღეების მიუხედავად, რთველის ორგანიზებულად ჩატარება.

მუნიციპალიტეტში სხვადასხვა ლოკაციაზე გახსნილ 30 პუნქტში ყოველგვარი რიგებისა და სხვა შეფერვების გარეშე ყურძენს იღებდა 40-მდე კომპანია. ცხადია, ხარისხს აკონტროლებდნენ ამპელოგრაფები. ამბროლაურელმა მევენახეებმა მიმღებ პუნქტებს მიუწონეს 1579 ტონა ალექსანდრეულისა და მუჯურეთულის ჯიშის ყურძენი და ანაზღაურებაც სოლიდური მიიღეს.

რთველის მიმდინარეობის პროცესებს მიმღებ პუნქტებში სახელმწიფო რწმუნებულ პაპუნა მარგველიძესთან, პარლამენტარ გოჩა ენუქიძესთან, სამხარეო და ადგილობრივი თვითმმართველობის სხვა ხელმძღვანელ პირებთან, საკოორდინაციო საბჭოს წევრებთან ერთად აკვირდებოდა ღვინის ეროვნული სააგენტოს თავმჯდომარე ლევან მხეზულა.

სისარულში, ბედნიერებაში, ქონილებსა და ძეობებში მოიხმარეთ წლებიდან რთველით მიღებული ფინანსები ამბროლაურელი მევენახეებო!

ქრონიკა



რაჭა-ლეჩხუმის და ქვემო სვანეთის ადმინისტრაციულ-ტერიტორიულ ერთეულებში (ამბროლაური, ონი, ცაგერი, ლენტეხი) სახელმწიფო რწმუნებულის მოადგილე დანიშნა ლევან ზალკალიანი.

იგი დაიბადა 1973 წელს ქ. ქუთაისში. 1998 წელს დაამთავრა თბილისის ივანე ჯავახიშვილის სახელობის სახელმწიფო უნივერსიტეტის იურიდიული ფაკულტეტი.

2009–2020 წლებში იყო ამბროლაურის პროკურორი, ხოლო 2020–2021 წლებში მუშაობდა დასავლეთ საქართველოს საოლქო პროკურატურის საპროკურორო სამმართველოს განყოფილების ხელმძღვანელად, უფროს პროკურორად.

ფლობს რუსულ და ინგლისურ ენებს. ჰყავს მეუღლე და 2 შვილი.

ამომრჩეველი, დეკუტატი,

როგორც ვიუწყებოდით წარმომადგენლობითი ორგანოს გრაფიკით სექტემბერ-ოქტომბერში მუნიციპალიტეტის მოსახლეობასთან, იგივე ამომრჩეველთან შეხვედრები კვლავ გაიმართა. ოღონდ იმ განსხვავებით, რომ ამჯერად დეკუტატებისაგან ისმენდნენ ანგარიშებს განუვლ საქმიანობაზე. დაპირებისამებრ შევეცდებით მკითხველს შევთავაზოთ ამონარიდები ანგარიშებიდან. რამდენად გულახდილები არიან დეკუტატები სამანდატო ვალდებულებების შესრულებაში განსასჯელად ამომრჩეველებისთვის მიგვიჩინია, რადგან აცხადებენ რომ ისედაც სისტემატურად ვხვდებით ამომრჩეველს.

დეკუტატი გულახდილია

ამბროლაურის მუნიციპალიტეტის მეორე მოწვევის საკრებულოში 22 დეკუტატია. რთული უბნებით ლადიშისა და ცახის ადმინისტრაციული ერთეულებით ვინყვებით. რთული იმიტომ, რომ მიგრაციის მიზეზით ფაქტიურად გათითოვებული ცხრავე სოფელი (ცახი, გოგოლათი, ზედა და ქვედა ლვარდია, პატარა ონი, ლადიში, ტბეთი, ბაჯი, ქვედა შვარა) ათეულობით კილომეტრითაა დაშორებული მუნიციპალიტეტის ცენტრს და მოსახლეობის ძირითადი ნაწილი ხანდაზმული. ე.ი. საკრებულოს წევრსაც და მერის წარმომადგენლებსაც, როგორც შუამავალთ ხალხსა და ადგილობრივ თვითმმართველობას შორის, სერიოზული პასუხისმგებლობა აკისრიათ. რადგან ვიცნობთ ჩვენი მოსახლეობის ბუნებას, რომ ზურგს უკან უფრო ეხერხებათ პიროვნების განსვავაკრიტიკება, ამიტომ ვამჯობინებთ პირველად მაინც ადგილობრივებს გავსაუბრებოდით.

შემოდგომა და გვეგონა ბევრს შევხვდებოდით. სამწუხაროდ მოლოდინი არ გამართლდა, მაგრამ იმ თითო-ორი ადამიანის პასუხმაც გავგახარა. თავიანთი მაჟორიტარ დეკუტატს **მურმან ქველიძეს** იცნობენ და დადებითადაც ახასიათებენ. ამომრჩეველთა უმრავლესობის აზრი და შეფასება მერის წარმომადგენელმა ცახის ადმინისტრაციულ ერთეულში **ფრიდონ სოსხიძემ** ასე ჩამოაყალიბა: ყოფილი სამხედრო მუშაკია და იცის დისციპლის ფასი. არის აქტიური, მოწესრიგებული, კომუ-

ნიკაბელური. პირველმა ამიტომაც დავუჭირე მხარი მის კანდიდატურას. რის საშუალებასაც იძლევა მანდატი აკეთებს. არჩევანით ნამდვილად არ წაგვიგია.

დეკუტატი საანგარიშო პერიოდში ოფიციალურად 12-ჯერ შეხვდა ამომრჩეველს. მაგრამ რამდენადაც ანგარიშს უნებს მათ ასაკს, უფრო ინდივიდუალურ შეხვედრებს ანიჭებს უპირატესობას. ყურადღებით ისმენს მოთხოვნებს, აზუსტებს, განიხილავს მერის წარმომადგენლებთან ერთად და საჭიროების შემთხვევაში მიმართავს საკრებულოსა და მერიას.

ამომრჩეველთა მოთხოვნები ძირითადად მაინც საუბნო გზებისა და წყალსადენების მოწესრიგებას ეხება, აგრეთვე ზამთრის თბობასთან დაკავშირებით საშუალო მერქანით უზრუნველყოფას.

ბატონი მურმანი კმაყოფილია იმით, რომ ასე თუ ისე სოფლებში გზებისა და წყლის სერიოზული პრობლემები არაა, მაგრამ განიცდის იმას, რომ წელს ვერ მოესწრო ცახში იმ 150 მეტრი წყალსადენი მილის შეცვლა, რომელიც ხშირად ზიანდება (ტენდერი რამდენჯერმე ჩაიშალა). ასევე ვერ მოხერხდა ე.წ. ბერუანებიდან საყვიარამდე იმ გზის აღდგენა, რომელითაც ადრე სარგებლობდა მოსახლეობა. არადა გაუადვილებოდათ ზამთრისათვის შემის გამოტანა-მომარაგების პროცესი. მიზეზი არის უტრაქტორობა. წლების წინ დაშვებული შეცდომების გამო პრობლემატურია პატარაონში წყალსადენი სისტემა. იმის გამო, რომ არაა დატანებული

შემკრები და არ იფილტრება, წყალი იმღვრება და არის მოსახლეობის უკმაყოფილების მიზეზი. გატარებული ღონისძიებებით მართალია, მდგომარეობა შედარებით დასტაბილურდა, მაგრამ პრობლემა მაინც რჩება. იმედოვნებს, რომ საკითხები მომავალ წელს უთუოდ მოგვარდება დეკუტატი თავს არ არიდებს

პრობლემატურ საკითხებს, კრიტიკულ შეკითხვებს. ფლობს სიტუაციას და პასუხებიც აქვს. რაც მთავარია, არ ატყუებს ამომრჩეველს. გულახდილია. შეუძლია, აკეთებს. თუ არა, მაშინ მიმართავს ადგილობრივი თვითმმართველობის შესაბამის სამსახურებს. მითუმეტეს რომ აქტიურადაა ჩართული საკრებულოში ქონების მართვისა და ბუნებრივი რესურსების საკითხთა და სამანდატო, საპროცედურო საკითხთა და ეთიკის მუდმივმოქმედი კომისიების მუშაობაში, საკრებულოს სხდომებზე შემოტანილი საკითხების განხილვაში...

საანგარიშო პერიოდში მან მხარი დაუჭირა საკრებულოს მიერ მიღებულ 93 განკარგულებას და 29 დადგენილებას.

ზემოთ ვახსენეთ მიგრაცია, მაგალითად ტბეთში სამი მოსახლეა, პატარა ონის სკოლაში მხოლოდ 10 მოსწავლეა... აი, დეკუტატის (და არა მარტო მისი) დიდი ტკივილი. ტერიტორია კია დიდი, მაგრამ ხალხია ცოტა, ხალხიო. ნაღვლიანად გვითხრა და დასძინა: მათ მოფერება და გაფრთხილება სჭირდებათ.

დაიხ, აქაურები მართალია ცოტანი არიან, მაგრამ მამაპაპისეული ფუძის ერთგულნი, კუთხის მოჭირნახულენი. მართლა გასაფრთხილებელი და მოსაფერებელი ადამიანები, მომავალს იმედით რომ შეჰყურებენ. ღმერთმა ნუ მოუშალთ ერთმანეთის იმედი და იმათაც, ვინც უბენ-ზინობისა და უტრანსპორტობის მომიზეზების გარეშე ხშირად შეეხმინება მათ და უკეთესი მომავლის რწმენას გაუმიძაფრებთ.

მარტო სათავისოდ

სადმელი ამბროლაურის მუნიციპალიტეტის 18 ადმინისტრაციული ერთეულიდან ერთ-ერთია, რომლის შემადგენლობაში რამდენიმე სოფელი შედის: სადმელი, ბოსტანა, ლვარა, კლდისუბანი და ძირაგული. მართალია, განსხვავებული ტერიტორიული განფენილობით, მაგრამ თითქმის ერთნაირი პრობლემებით.

ერთნაირი იმიტომ, რომ სამხარეო თუ ადგილობრივი თვითმმართველობის წარმომადგენლებთან ყოველ შეხვედრაზე მოსახლეობა (იგივე ამომრჩეველი) ითხოვს სოფლისთვის მართლაც სასიცოცხლო ორ კომპონენტს: გზას და წყალს.

ვეთანხმებით ადმინისტრაციულ ერთეულში როგორც მერის წარმომადგენლის, ისე საკრებულოს წევრის მოსაზრებას, რომ ამ კუთხით წლებადედი წელი ხუთივე სოფლისათვის მართლაც გამორჩეული აღმოჩნდა.

სადმელში, სადაც მუდმივად 802 ადამიანი ცხოვრობს, მიმდინარეობს ცენტრალური გზის ასფალტ-ბეტონის საფარით მოწყობა. ცხადია, ჩიხებით და სანიაღვრე არხებით. პროექტი გარდამავალია. იგეგმება 3 კილომეტრიანი გზის მონაკვეთის გაკეთება რაზეც დაიხარჯება 3264000 ლარი.

კლდისუბანი (73 მაცხოვრებელი) მოასფალტებული საუბნო გზებით, სანიაღვრე არხებით, გარეგანათებითა და მოწესრიგებული წყლის სისტემით ფაქტიურად ქალაქური ტიპის დასახლებად იქცა.

ძირაგულში, სადაც 303 მოსახლეა, დასრულდა ასფალტის სასოფლო გზის პირველი ეტაპის მოწყობა. პროექტი გარდამავალია და 2023 წელს დასრულდება.


ბოსტანაში, სადაც 350 ადამიანი სახლობს წელს მოიხრემა სოფლის ცენტრალური გზა და

ძალზე პრობლემატური ე.წ. ქედი – ყიფიანების საუბნო გზა.

სწორი გადაწყვეტილება მიიღეს სადმელის, ბოსტანა-ლვარის და ძირაგულის მოსახლეობამ, „სოფლის მხარდაჭერი“ პროგრამით გამოყოფილი თანხის მთლიანად წყლის სათავე-ნაგებობების და სისტემის რეაბილიტაციაზე მიმართვით, რაზედაც დაიხარჯა 49900 ლარზე მეტი. აქედან ბოსტანა-ლვარის წყალსადენის მოწესრიგების პროექტი იყო ერთობლივი და სახელმეკრულებო თანხამ შეადგინა 21996 ლარი.

ხუთივე სოფელი უზრუნველყოფილია გამომარაგებით. ფუნქციონირებს ორი საჯარო სკოლა, სამედიცინო ამბულატორია, 2 საბავშვო ბაღი, ბიბლიოთეკები. ახალგაზრდობის სამსახურშია 5 სპორტული მოედანი, გაჩნდნენ საოჯახო სასტუმროები, ღვინის ქარხნები და სხვა, რაც იმაზე მიუთითებს, რომ ხალხს შემოსავალიც გაუჩნდა და გაუმჯობესდათ საცხოვრებელი პირობები. სწორადაა ნათქვამი: კაცის გული ხარბია... უფრო და უფრო მეტი კეთილდღეობა უნდათ აქაურებსაც, მაგრამ სწრაფად და მხოლოდ სხვისი ხელით. თავიანთი მოქალაქეობრივი პასუხისმგებლობა, მცირე გამოწვასის გარდა, დაინყებულნი აქვთ. ჩვენთან მათი ორგანიზაციის საუბრებიდან ისეთი შთაბეჭდილება დაგვრჩა, რომ უმრავლესობა მხოლოდ სათავისოდ ფიქრობს, რაშიც მერის წარმომადგენელთან შეხვედრამაც დაგვარწმუნა.

მაშუა მეტონი – თავის ქებად არ ჩამომართვათ. ნამდვილად არ მცალია კაბინეტში დასაჯდომად, ფაქტიურად ვცხოვრობ მოსახლეობის ყოველდღიური ცხოვრებით, ინდივიდუალური თუ გავლითი შეხვედრებით, საკომუნიკაციო სა-



* * *

საინვესტიციო პროექტებიდან ტურიზმის ხელშეწყობის მიზნით მუნიციპალიტეტის ტერიტორიაზე მოეწყო რვა წყაროს თვალი, რომელთა სახელმეკრულებო ღირებულებამ შეადგინა – 131460 ლარი.

მათ შორისაა ხოტევი ე.წ. „ნახხეცას წყარო“.

ინფორმაცია

ამბროლაურის მუნიციპალიტეტის საკრებულოს ოცდამეოთხე რიგ-გარეშე სხდომამ ცვლილება შეიტანა ამბროლაურის მუნიციპალიტეტის საკრებულოსა და მერიამ „შრომითი ხელშეკრულებით დასაქმებულ პირთა რაოდენობისა და მათი თანამდებობრივი სარგოების ოდენობის განსაზღვრის შესახებ“ ამბროლაურის მუნიციპალიტეტის საკრებულოს 2021 წლის №99 განკარგულებაში და „ამბროლაურის მუნიციპალიტეტის 2022 წლის ბიუჯეტის დამტკიცების შესახებ“ ამბროლაურის მუნიციპალიტეტის საკრებულოს 2021 წლის №24 დადგენილებაში.

გაიმართა ამბროლაურის მუნიციპალიტეტის მეორე მოწვევის საკრებულოს 25-ე მორიგი სხდომა, რომელმაც მოისმინა და დამაკმაყოფილებლად შეაფასა ამბროლაურის მუნიციპალიტეტის მერიის არქიტექტურული ზედამხედველობის სამსახურის ხელმძღვანელის ანგარიში 2022 წლის 01 იანვრიდან 01 ოქტომბრამდე განუვლი საქმიანობის შესახებ. ცვლილება შეიტანა „ამბროლაურის მუნიციპალიტეტის 2022 წლის ბიუჯეტის დამტკიცების შესახებ“ ამბროლაურის მუნიციპალიტეტის საკრებულოს 2021 წლის №24 დადგენილებაში მიიღო განკარგულება ამბროლაურის მუნიციპალიტეტის საკუთრებაში არსებული უძრავი ქონების (ამბულატორიების) სახელმწიფოსათვის უსასყიდლოდ საკუთრებაში გადაცემის შესახებ.

საკრებულოს სდომას ესწრებოდა მხარეში სახელმწიფო რწმუნებულის პირველი მოადგილე **ქრისტინა კობახიძე**.

დაინყო ადმინისტრაციული წარმოება

ამბროლაურის მუნიციპალიტეტის საკრებულოში ქალაქის ადმინისტრაციული ერთეულიდან მაჟორიტარი დეკუტატის დავით მიქიაშვილის ინიცირებით სახელდების ინიციატივის მოტივაციის და დასაბუთების საფუძველზე დაინყო ადმინისტრაციული წარმოება:

ქ. ამბროლაურში აბიბო შიშინაშვილის ქუჩის სახელის გადარქმევისა და ბონდო დავითულიანის სახელის მინიჭების თაობაზე.

დაინტერესებულ პირებს, შეუძლიათ საკუთარი მოსაზრებები და წინადადებები წარმოადგინონ, ამბროლაურის მუნიციპალიტეტის საკრებულოში.

მისამართი: ქ. ამბროლაური, ბრატისლავა-რაჭის ქუჩა №11.

მეჩის წარმოადგენელი ფიქრი არაა სწორი

მადლობა მუნიციპალიტეტის მერიას

შუალელებით.

შორს ვართ იმ აზრისგან, რომ ხუთივე სოფელში ყველა პრობლემა მოხსნილია და ყველა კმაყოფილია.

დავიწყებთ სადმელოთ. აქ წყლის საკითხი ყოველთვის იდგა და მგონია სულ იქნება. ყველამ ვიცით საიდან, როგორი რთული რელიეფით, ფაქტურად კლდეებზეა ამოყვანილი სოფლამდე წყალი და მაგისტრალი ისედაც ითხოვს ყოველწლიურად სერიოზულ სარეაბილიტაციო სამუშაოების ჩატარებას. ამ სოფელს რიონიც არ ეყოფა თუ არ ისწავლეს აქაურებმა ერთმანეთის პატივისცემა და წყლის ყაირათიანად ხარჯვა, განსაკუთრებით ზაფხულობით.

საქმე იმაშია, რომ წყალს დიდი რაოდენობით მოიხმარენ სასტუმროები, ღვინის ქარხნები. ღმერთმა ამრავლოს დამსვენებელ-ტურისტები, მაგრამ ეზოებში გამართული აქვთ ტონიანი აუზები. მოსახლეობა რწყავს ბოსტანს, ახალშენებს, ხეხილს... ე.ი. პატივს არ სცემენ ერთმანეთს და მოხმარების კულტურა არის ნოლი.

სასმელ წყალთან დაკავშირებით პრობლემა შეგვექმნა ბოსტან-ღვინარაში. აქ ერთობლივი პროექტით მონესრიგდა სათავე-ნაგებობა და შეიცვალა მაგისტრალის გარკვეული მონაკვეთი. მაგრამ წვიმიან ამინდში იმდენად და მოსახლეობა სასმელად ვერ მოიხმარს წყალს. დადგინდა მიზეზი – ბასინამდე არსებულ შუალედურ შემკრებში ხდება წვიმის წყლის შერევა. მიმდინარეობს დაკვირვება და ვიმედოვნებ რომ უმოკლეს პერიოდში გამოვასწორებთ მდგომარეობას.

პრობლემა ისიც, რომ რიცეულის ამბუ-

ლატორიაში ვერ შეხვალ. არა და არც ისე დიდი ხანია რაც აიგო. მაისიდან მიმდინარეობს სარეაბილიტაციო ცენტრის რემონტი და შესაბამისად ვერ ვიღებთ მოქალაქეებს კაბინეტში.

პრობლემა ისიც რომ წელს 5 სოფლიდან მხოლოდ 3-ში დაიბადა ბავშვი, იქორწინა 4-მა წყვილმა, ხოლო სამუდამო განსასვენებლად მივაცილეთ 17 ადამიანი.

დიახ, პრობლემები არის, მაგრამ მოგვარებადია ყველაფერი თუ მოსახლეობა მართო სათავესოდ არ იცხოვრებს. რამოდენიმეს კი არა ყველას უნდა შესტკიოდეს კული საერთო საქმეზე. ამ მხრივ გამაოცებს კულისუბნელებმა და გაზეთის საშუალებით მადლობა მინდა ვუთხრა მათ საჯაროდ. როგორც აღვნიშნეთ უკვე ქალაქური ტიპის დასახლებაა, არადა აქაურები ზამთრის სეზონზე ძირითადად მოიხმარენ შემას. მოსახლეობამ გეტხოვა, რომ სოფლის თავში მიმდებარე ტერიტორიაზე დავემართო გზის მიყვანა-მოხრეშვაში (არაა დიდი მანძილი), სადაც დაიყრება შეშა და აქედან დამუშავებულს თვითონვე შეზიდვენ ოჯახებში ისე, რომ არ დაზიანდეს და დანაგვიანდეს მოასფალტებული საუბნო გზები.

აი ესაა სახელმწიფოებრივად აზროვნება. მერია საქმის კურსშია და დახმარებაზე თანხმობაც მიღებული.

სასიამოვნო ინფორმაცია მინდა გავაუღერო. ღვინარა შეიძლება მალე კლდისუბნის მსგავსი დასახლება გახდეს. პროექტი მზადაა და ალბათ 2023 წელს მისი რეალიზაცია დაიწყება.

დასასრულს მინდა ვაუწყო ვაიგულშემატკივრებს (საბედნიეროდ არც ისე მრავლად

არიან), რომ მე – მერიის წარმომადგენელი და მერაბ ჩიტალაძე – დეპუტატი ვმოქმედებთ ერთად, შეთანხმებულად. თუ ჩვენი ძალები არ ყოფნის საკითხს დასაბუთებული არგუმენტებით შესულთ ადგილობრივი თვითმმართველობაში შესაძლებლობის ფარგლებში გვაქვს კიდევ მხარდაჭერა. ასე რომ სჯობია, ყველამ ერთად ვიზრუნოთ საერთო საქმეზე. ერთი ხელის დაკვრით არ კეთდება საქმეები. მოთმენის უნარიც უნდა გვექონდეს.

თავის მხრივ ჩვენც დავძენთ, რომ ცუდია დაუნახაობის სინდრომი. არ შეიძლება მართო სათავესოდ ფიქრობდეს ადამიანი. შევასწავნებთ მუნიციპალიტეტის სხვა სოფლების მოსახლეობასაც, რომ საარსებო მინიმუმის გარდა არსებობს ზნეობრივი მინიმუმიც, რომელიც პატიოსან გულზე უნდა გადიოდეს.

აქცია

ქალთა ორგანიზაციის ორგანიზებით, რაჭა-ლეჩხუმ ქვემო სვანეთში უფასო სკრინინგი ჩატარდა.

ამბროლაურის, ცაგერის, ონისა და ლენტეხის მოსახლეობას შესაძლებლობა შექონდათ პროფესიონალი ექიმებისგან ძუძუს კიბოს პრევენციისა და მკურნალობის შესახებ დეტალური ინფორმაცია მიეღოთ.

ძვირფასო ქალებო, გახსოვდეთ: ძუძუს კიბოს ადრეული დიაგნოსტიკა 50%-ით ზრდის სიცოცხლის გადარჩენის შესაძლებლობას. გაუფრთხილდით ჯანმრთელობას!

სსიპ ამბროლაურის მუნიციპალიტეტის სოფელ ველევის საჯარო სკოლა იმთავითვე დიდი მონდომებით ჩაერთო საგანმანათლებლო პროექტში „izrune.ge“: გამოიყო მასწავლებელი, თეონა მაცაბერიძე, რომელმაც ორგანიზება გაუკეთა მოსწავლეთა პროექტში ჩართვას, ხშირ შემთხვევაში დამრიგებლებთან ერთად თანხაც თვითონ გადაუხდია, რათა მოსწავლეები არ დარჩენილიყვნენ პროექტში მონაწილეობის გარეშე, ასე მონდომებით რომ ელოდნენ ყოველ კვირას საგანმანათლებლო-შემეცნებით ტესტებს და თავიანთი შესაძლებლობის რეალიზებას. მაგრამ თანხის პრობლემა ბოლო წლების განმავლობაში მოიხსნა, რადგან ამბროლაურის მერია იზრუნა სკოლის მოსწავლეთა განათლების მოტივაციასა და აღზრდა-განათლების პროცესში ოჯახების მხარდაჭერაზე და მოსწავლეებს „izrune.ge“-ს ინდივიდუალური ტესტების გავლა უწევთ უფასოდ.

მადლობა ამბროლაურის მერს, ბატონ ზვიად მხეიძეს!

კატაშვა (კაბატარიძე)

მწიგნობარ-მომსახი

სსიპ ამბროლაურის მუნიციპალიტეტის სოფელ ველევის საჯარო სკოლის დირექტორი

SOS გრიპის სეზონი დაიწყო - ამიხსრათ

ოქროსფერი შემოდგომის სიმწვანეში ნაადრევად ამოსულმა „ზამთრის მახარობელამ“ აცივებასთან ერთად გრიპის სეზონის მოახლოებაც გვაუწყა. გრიპისა, რომელსაც ხშირად რისკ ჯგუფებში სერიოზული გართულებაც ახლავს. ამიტომ დევნილთა, შრომის, ჯანდაცვის ელობის და სოციალური დაცვის სამინისტრომ იმის გათვალისწინებით, რომ მოსახლეობის უმეტესობა პანდემია გამოვლილია, ომიკრონიც თავს არ გვანებებს, ოთხკომპონენტური SHNOFI PASTEUR-ის სეზონური გრიპის საანინალმდეგო ვაქცინის (vaxiprip Tezra) საკმაოდ დიდი რაოდენობით, ფაქტურად ზაფხულიდან დაიწყო საპრევენციო ღონისძიებების გატარება. შესაბამისად დაგეგმა დაავადებათა კონტროლისა და საზოგადოებრივი ჯანდაცვის ეროვნულმა ცენტრმა მუნიციპალიტეტების საზოგადოებრივი ჯანდაცვის სამსახურის საქმიანობა.

ცხადია, განსაზღვრულია ქვეყანაში ვაქცინაციის დაქვემდებარებული რისკჯგუფებიც. კერძოდ, სპეციფიური ქრონიკული დარღვევების მქონეებთან, სხვა პრიორიტეტული და სავალდებულო იმინიზაციის დაქვემდებარებული პროფესიული ჯგუფები.

რაჭა-ლეჩხუმისა და ქვემო სვანეთის ჯანდაცვის სამსახურმა ადმინისტრაციულ-ტერიტორიული ერთეულების მიხედვით (ამბროლაური, ონი, ცაგერი, ლენტეხი) დააზუსტა სეზონური გრიპის საანინალმდეგო ვაქცინით ასაცრელი კონტაგენტის რაოდენობა და შესაბამისად მზარდყოფნაში არიან პროფილური სამედიცინო დაწესებულებებიც.

სამსახურს აქვს სავალდებულო იმინიზაციის კარგი გამოცდილება, მსურველთა რაოდენობაც დიდია და ვიმედოვნებთ, 2022–2023 წლის სეზონური გრიპის საანინალმდეგო ვაქცინაციის პროცესი წარმართება ორგანიზებულად.

შევასწავნებთ მოსახლეობას, რომ სპეციფიური ქრონიკული დარღვევებით მქონეთაგან უპირველესად დიაბეტის მქონე და დიალუზზე მყოფმა პირებმა, სხვა პრიორიტეტული ჯგუფებიდან ორსულებმა, 60 წლის და უფროსი ასაკის ხანდაზმულმა პირებმა, ზოგადსაგანმანათლებლო დაწესებულებების (სკოლები) პედაგოგებმა... კლინიკას ან საცხოვრებელი ადგილის მიხედვით უნდა მიაკითხოთ უბნის ექიმებს.

აქვე გაცნობებთ იმასაც, რომ გრიპის მიმდინარე სეზონზე, აგრეთვე, მიმდინარეობს COVID-19 ის საანინალმდეგო ვაქცინაცია. უსაფრთხოების და ეფექტურობის შესახებ ამ ორი ვაქცინაციის ურთიერთქმედების შესწავლის შედეგად EDE-ის (აშშ) რეკომენდაციის თანახმად შესაძლებელია COVID-19 ის ვაქცინის და გრიპის ვაქცინის ერთდროული ადმინისტრირება(ერთ ვიზიტზე, სხვადასხვა ზედა კიდურზე, მხარის ზედა ნაწილში, დელტისებურ კუნთში). თუ აცრები არ გაკეთდა ერთ ვიზიტზე, მაშინ მათ შორის ინტერვალის დაცვა არ არის საჭირო.



კარგი ჩანაფიქრია. ბარაკონის ეკლესიის მიმდებარე მდ. რიონზე საფეხმავლო ხიდი კეთდება. პროექტი უკვე მზადაა და ითვალისწინებს ბარაკონის ეკლესიის ეზოდან საფურის კლდეებამდე 60 მეტრის სიგრძის საფეხმავლო ხიდის მოწყობას.

პროექტის ჯამური ღირებულება 320 000 ლარს შეადგენს.

მდ. რიონზე ბარაკონის ეკლესიის მიმდებარე საფეხმავლო ხიდის არსებობა ხელს შეუწყობს არა მარტო ტურიზმის განვითარებას, არამედ გააადვილებს. ნესსა და მუხლს შორის ფეხით მიმოსვლასაც. პარალელურად განხორციელდება ბარაკონის მიმდებარე ტერიტორიის რეაბილიტაცია.

ქროს - ვიზიტი სანარმოში

ვეროკავშირისა და კონრად ადენაუერის ფონდის მიერ დაფინანსებული პროექტის „სამოქალაქო საზოგადოების ინიციატივა: მდგრადი ღია და ანგარიშვალდებული სამოქალაქო საზოგადოების ორგანიზაციები საქართველოს განვითარებისათვის“ (2021–2025 წ.) ფარგლებში, რაჭა-ლეჩხუმისა და ქვემო სვანეთის რეგიონული ჰაბის „აფხაზინტერკონტის“ ორგანიზებით, ბიზნეს კომპანიის „რაჭის ნატურალური პროდუქტები“ სანარმოში გაიმართა ქროს-ვიზიტი, რომელშიც მონაწილეობა მიიღეს სამოქალაქო საზოგადოებისა და სათემო ორგანიზაციების, საინიციატივო ჯგუფების, ბიზნესისა მედიის წარმომადგენლებმა.

ქროს-ვიზიტის მიზანი იყო სოციალურ-კორპორაციული პასუხისმგებლობის კულტურის დანერგვის ხელშეწყობა და შესაბამისად მსჯელობა წარმართა სოციალური კორპორაციული პასუხისმგებლობის კულტურის დანერგვისა და თანამშრომლობის შესაძლებლობებზე.

ძმები მსოფლიოს ჩემპიონები



ესპანეთის ქალაქ პონტივედრაში გამართულ 23 წლამდელ თავისუფალი სტილით მოჭიდავეთა მსოფლიო ჩემპიონატს განსაკუთრებული ინტერესით ადევნებდა თვალს მუნიციპალიტეტის მთელი მოსახლეობა, რადგან ქვეყნის ინტერესებს ნაკრებში ამბროლაურის საჭიდაო კლუბის „ფალავანი“ ორი სპორტსმენი – ძმები გამყრელიძეებიც იცავდნენ. გაგვახარეს და თანაც როგორ.

გიორგი ელვაქიძე 70 კილოგრამ წონით კატეგორიაში, ხოლო **ვლადიმერ გამყრელიძე** 79 წონით კატეგორიაში მსოფლიოს ჩემპიონები გახდნენ. ოქროს ბიჭებს გულშემოტყვივებმა მშობლიურ ქალაქში შესაფერისი დახვედრაც მოუწყვეს.

საზეიმო ღონისძიებას ესწრებოდნენ რეგიონში სახელმწიფო რწმუნებულის პირველი მოადგილე **ქრისტინა კობახიძე**, ამბროლაურის მუნიციპალიტეტის მერი **ზვიად მხეიძე** და საკრებულოს თავმჯდომარე **ასლან საგანელიძე**. მათ მსოფლიო ჩემპიონ ძმებს მილოცვასთან ერთად ამბროლაურის მუნიციპალიტეტისგან მადლობის სიგელები და ფულადი ჯილდოები გადასცეს.

ბედნიერი მშობლები და მწვრთნელი **ლევან ბარსონიძე** დამსახურებულად იღებენ მილოცვებს და მადლობას კარგი კაცების, ღირსეული მოქალაქეების აღზრდისათვის.

„ბაიყვა თუ შეებრძოლო?“



აი, რა საინტერესო, ბევრ რამეზე დამაფიქრებელი თემით მიიწვია დედაქალაქის ხელოვნების ამ დარგის თაყვანისმცემელი საზოგადოება **ბესო კობახიძემ** თავის მორიგ პერსონალურ გამოფენაზე, რომელიც ს. ჯანაშიას №13-ში „ნოვო გალერეაში“ შედგა.

გამოფენას, რომელსაც რაჭა-ლეჩხუმ-ქვემო სვანეთის სახელმწიფო რწმუნებულის პირველი მოადგილე – **ქრისტინე კობახიძე** და ამბროლაურის მუნიციპალიტეტის საკრებულოს თავმჯდომარე **ასლან საგანელიძე**ც სტუმრობდნენ, უამრავი დამთვალიერებელი ჰყავდა და გამორჩეული ხელოვნების შემოქმედებით აღფრთოვანებას ემოციურად გამოხატავდნენ.

ამბროლაურის კულტურის ცენტრში, ანსამბლ „თარიკონის“ 30 წლის იუბილე აღინიშნა და ვარსკვლავი გაიხსნა.

ქორეოგრაფიული ანსამბლი თარიკონი 1991 წელს, **ომარ ტვილიანი**ს ხელმძღვანელობით დაარსდა და წლების მანძილზე არა ერთი წარმატება მოიპოვა. ომარ ტვილიანის გარდაცვალების შემდეგ შემოქმედებითი საქმიანობა მისმა ვაჟმა **რატი ტვილიანმა** განაგრძო. ანსამბლმა სამი თაობა გამოიცვალა და დღესაც წარმატებით მოღვაწეობს ქორეოგრაფიულ სივრცეში.

ვარსკვლავის გახსნის საზეიმო ცერემონიალს სახელმწიფო რწმუნებულის პირველი მოადგილე **ქრისტინა კობახიძე**, ამბროლაურის მუნიციპალიტეტის მერი **ზვიად მხეიძე**, საკრებულოს თავმჯდომარე **ასლან საგანელიძე**, ანსამბლის სხვადასხვა თაობის წარმომადგენლები და მონვეული სტუმრები ესწრებოდნენ.



ფოტო ბრალდება

ანალოგიური სიტუაცია არის თითქმის ყველა ბანკთან, აი ამაზე ითქმება – ჩვეულება რჯულზე უმტკიცესიაო.



* * *

აღნიშნული ფოტო ბრატისლავა-რაჩის ახლადრეაბილიტირებულ ქუჩას ნამდვილად არ უხდება, სანამ ნიაღვარი საავადმყოფოს ეზოში არ გადავარდება ეტყობა მანამდე არავინ განმინდავს არხს.

იდეარ ენუქიძის მახსენება

მართალია, 88 წლის ასაკში განერიდა ნუთისოფელს, უცბად, უავადმყოფოდ, მაგრამ მაინც ძალიან დასწყვიტა გული საახლოლობოს, სამეზობლოს და ყველა იმას, ვინც მას იცნობდა, რადგან იყო კეთილშობილი, კომუნიკაბელური. საჭიროების შემთხვევაში მკაცრი და ამაყიც, რაც მისი პროფესიის ადამიანებისათვის მეტწილად დამახასიათებელია. ვაჟკაცური პროფესიის ერთგული დარჩა ბოლომდე. ამბობდა, პატარა ბავშვივით გამოვარდები გარეთ თვითმფრინავის ხმის გაგონებაზე, გავაყოლებ თვალს და მერე მოგონებების მორევი ვეშვებო.



ვუგებდით, რადგან მართლაც ჰქონდა მოსაგონარი. ცაში, დიდ ავიაციაში გაატარა 25 წელიწადი. სრულიად ახალგაზრდამ განახორციელა დამოუკიდებელი გაფრენა თბილისი-ქუთაისის რეისზე. ხშირად თბილისი-ამბროლაური-სოხუმის მარშრუტიც მისი იყო და არავინ სჯიდა ჩვევისათვის – კვირიკენმინდისათვის სამჯერ შემოეფრინა და მერე შერეოდა ღრუბლებს. მერე იყო დიდი ავიაცია... მფრინავები გულს ვერ ვგრძნობთ, მაგრამ საქართველოს საჰაერო სივრცეში შემოსვლისთანავე გული მაშინვე სხვანაირად იწყებდა ცემასო. ამყობდა იმით, რომ მაშინ საკავშირო ავიაციაში საკუთარი ნიშა ეკავათ ქართველ პილოტებს. განსხვავებული – შეთანხმებული მისალმება-გასაუბრების ფორმა ჰქონდათ. ხვდებოდნენ მინაზე, ჩვენი ხმის გაგონებაზე რადისტები მეტს ვერაფერს ამბობდნენ, მხოლოდ ცაში ქართველები არიანო და განსაკუთრებული პატივით გვეპყრობოდნენო. საქართველოს ავიაციაში კი ყველამ იცოდა, რომ რაჭველი ავიატორები ერთმუჟად შეკრულ სამეგობრო ოჯახს წარმოვადგენდითო.

დამსახურებულ პენსიაზე გასული მშობლიურ სოფელს დაუბრუნდა. სოფლის მეურნეობას მიჰყო ხელი. ხუმრობდა. მინაზე დავეშვი. ეს დალოცვილიც რა კარგი ყოფილა, ცასავით ამასაც ვერ წყდებო, ფუტკარიც კი გაიჩინა... მამაპაპისეულ ფუძეს უმაგრებდა შვილს.

13 ნოემბერს წელიწადი სრულდება მისი გარდაცვალებიდან. დაგვაკლდა, ნამდვილად დაგვაკლდა. მომგონებელი და სანთელი არ აკლია. ელდარ, განისვენე მშვიდად. მამით ამაყობს შენი ფიქრია და ვიმედოვნებთ, იმასაც შეძლებს არ მოშალოს შენი დატოვებული კერა.

საახლოობლო